

ԲՈՒՀԻ ՀԵՌԱԿԱ ՈՒՍՈՒՑՄԱՆ
ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆ

2024

ՀԱՅՈՑ
ՊԱՏՄՈՒԹՅՈՒՆ

ԹԵՍՏ 2

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1 Ե՞րբ են Զեյթունի ինքնապաշտպանության ղեկավարները խորհրդակցություն հրավիրել Ս. Աստվածածնի վանքում.

- 1) 1862 թ. օգոստոսի 29–ին
- 2) 1862 թ. հուլիսի 2–ին
- 3) 1862 թ. օգոստոսի 2–ին
- 4) 1862 թ. հուլիսի 29–ին

2 Ե՞րբ է ՀՀ Գերագույն խորհուրդը Հայաստանը հռչակել անկախ պետություն.

- 1) 1991 թ. սեպտեմբերի 21–ին
- 2) 1990 թ. օգոստոսի 23–ին
- 3) 1991 թ. սեպտեմբերի 23–ին
- 4) 1991 թ. սեպտեմբերի 2–ին

3 Ե՞րբ են Հայաստանի տարածքում առաջին անգամ հիշատակվում Մեծ և Փոքր Հայքերը՝ որպես առանձին վարչական միավորներ.

- 1) Ք. ա. IV դարում
- 2) Ք. ա. V դարում
- 3) Ք. ա. VI դարում
- 4) Ք. ա. III դարում

4 Ե՞րբ են տեղի ունեցել Աշոտ III–ին թագադրելու հանդիսությունները.

- 1) 961 թ.
- 2) 959 թ.
- 3) 963 թ.
- 4) 964 թ.

5 Ե՞րբ է տեղի ունեցել Փոքր Ղարաքիլիսայի ճակատամարտը.

- 1) 1807 թ. հունիսին
- 2) 1808 թ. մայիսին
- 3) 1808 թ. հունիսին
- 4) 1807 թ. հուլիսին

6 ՀՀ զինանշանի մասին օրենքը հաստատվել է՝

- 1) 1920 թ. մայիսի 28–ին
- 2) 1920 թ. հուլիսի 23–ին
- 3) 1919 թ. հուլիսի 23–ին
- 4) 1919 թ. մայիսի 28–ին

7 Ե՞րբ են մավուքները վերջնականապես գրավել Ադանա և Տարսոն քաղաքները.

- 1) 1369 թ.
- 2) 1373 թ.
- 3) 1360 թ.
- 4) 1335 թ.

8 Ե՞րբ է Ռուսաստանի կայսրը չեղյալ հայտարարել իր իսկ հաստատած հակահայ օրենքը.

- 1) 1905 թ. հունվարի 9-ին
- 2) 1905 թ. փետրվարի 6-ին
- 3) 1905 թ. օգոստոսի 1-ին
- 4) 1904 թ. հուլիսի 29-ին

9 Խորհրդային Հայաստանում 1930-ական թթ. որքա՞ն մարդ է բռնաճնշումների ենթարկվել.

- 1) 15 000
- 2) 23 000
- 3) 9 000
- 4) 25 000

10 Սարգուրի II-ի տերությունը հյուսիսից հարավ ձգվում էր՝

- 1) Սև ծովից մինչև Փոքր Ասիայի կենտրոնական շրջան
- 2) Կասպից ծովից մինչև Պարսից ծոց
- 3) Սև ծովից մինչև Պարսից ծոց
- 4) Կասպից ծովից մինչև Փոքր Ասիայի կենտրոնական շրջան

11 Հայոց ո՞ր կաթողիկոսի ձեռնադրմամբ է հաստատվել Հայոց կաթողիկոսական աթոռի սկզբնական ինքնուրույնությունը.

- 1) Սահակ Ա
- 2) Ներսես Ա
- 3) Հուսիկ Ա
- 4) Հուսիկ-Շահակ

12 Որտե՞ղ է Բարայել Օրին մտել զինվորական ծառայության և ստացել սպայի աստիճան.

- 1) Բտալիայում
- 2) Ֆրանսիայում
- 3) Անգլիայում
- 4) Գերմանիայում

13) Կիլիկիայի հայկական ինքնավարության կառավարությունը գլխավորում էր՝

- 1) Պետրոս Սարաճյանը
- 2) Միհրան Տամատյանը
- 3) Սարգիս Ճեպեճյանը
- 4) Պողոս Նուբարը

14) Ո՞րն է Հայկական լեռնաշխարհի՝ այսօր հայտնի հնագույն պետությունը.

- 1) Ուրարտու
- 2) Էթիունի
- 3) Միտաննի
- 4) Արատտա

15) Ո՞ւմ ղեկավարությամբ է Լենինականում (Գյումրի) հիմնվել պետական թատրոնը.

- 1) Վարդան Աճեմյանի
- 2) Լևոն Քալանթարյանի
- 3) Հրաչյա Ղափլանյանի
- 4) Արմեն Գուլակյանի

16) Ո՞ր գավառներն էր Վասպուրականից անջատել և իր թագավորությանը միացրել Գագիկ I-ը.

- 1) Բագրևանդ և Կոզովիտ
- 2) Արտազ և Բագրևանդ
- 3) Կոզովիտ և Ծաղկոտն
- 4) Ծաղկոտն և Արտազ

17) Ըստ պատմիչի՝ ո՞ր ճակատամարտի մասնակիցներն են միմյանց քաջալերել հետևյալ խոսքերով.

«Քաջությամբ մեռնենք մեր աշխարհի և մեր ազգի համար»:

- 1) Ներսեհապատի
- 2) Արձնիի
- 3) Արճեշի
- 4) Արյան լճի

18 Ո՞վ է ասել հետևյալ խոսքերը.

«Քեզ պսակում եմ, Մերուժան, որովհետև դու ձգտում էիր հայոց վրա թագավորելու, և իմ՝ ասպետիս պարտքն է քեզ պսակել իմ հայրերի իշխանության կարգով»:

- 1) Աշոտ Բագրատունին
- 2) Սմբատ Բագրատունին
- 3) Բագարատ Բագրատունին
- 4) Սահակ Բագրատունին

19 Խալդյան դարպասը հետագայում ի՞նչ է կոչել ժողովուրդը.

- 1) Մհերի դուռ
- 2) Սրբազան մուտք
- 3) Խալդիի դուռ
- 4) Մենուայի մուտք

20 Գտնել սխալ պատասխանը.

Ի՞նչ էր Ստալինի անձի պաշտամունքը:

- 1) Ստալինի դերի խիստ գերազնահատումը, երբ նրան էին վերագրվում ողջ ժողովրդի ջանքերով նվաճված հաջողությունները, ԽՍՀՄ առաջընթացը և հաղթանակները
- 2) խորհրդային հասարակության մեջ տեղ գտած խիստ բացասական երևույթ, որը հանգեցրեց անօրինականությունների, անմեղ մարդկանց հալածանքների ու ոչնչացման
- 3) խորհրդային հասարակության մեջ տեղ գտած խիստ բացասական երևույթ, որը հանգեցրեց հասարակության բարոյահոգեբանական մթնոլորտի խեղման
- 4) Ստալինի տեղի և դերի օբյեկտիվ արժևորումը

21 Ի՞նչն է հանդիսացել XIX դարի կեսերին Օսմանյան կայսրությունում մեծ տերությունների ազդեցության տարածման համար պայքարի սրվելու պատճառ.

- 1) Երուսաղեմի սուրբ վայրերին տիրելու համար քրիստոնեական տարբեր եկեղեցիների միջև ընթացող վեճը
- 2) բարեփոխումների պահանջով հայ հասարակական-քաղաքական շրջանակների դիմումը
- 3) Կրետե կղզուն տիրելու համար տարբեր երկրների միջև հակամարտությունը
- 4) Օսմանյան պետությանը պատկանող Կիպրոս կղզուն տիրելու համար ծավալված վեճը

22 Թվարկվածներից որո՞նք են 1259 թ. հայ-վրացական հակամոնղոլական ապստամբության պատճառ.

- ա. հարկերի բարձրացումը
- բ. ամրիսպասալար Չաքարեի թոռան՝ Չաքարե Չաքարյանին մահապատժի ենթարկելը
- գ. հայ-վրացական ջոկատները Բյուզանդիա՝ խաչակիրների դեմ պատերազմի ուղարկելու մոնղոլների որոշումը
- դ. հայ-վրացական ջոկատները Եգիպտոս՝ մամլուքների դեմ պատերազմի ուղարկելու մոնղոլների որոշումը
- ե. Հուլավու խանի կողմից Խաչենի տիրակալ Հասան-Չալալի սպանությունը

- 1) ա, բ
- 2) գ, ե
- 3) ա, դ
- 4) բ, գ

23 Թվարկված իրադարձություններից ո՞րն է տեղի ունեցել չորրորդը ըստ ժամանակագրական հաջորդականության.

- ա. հռոմեա-պարթևական տասնամյա պատերազմի սկիզբը
- բ. Վաղարշ I Արշակունու՝ Պարթևստանում գահ բարձրանալը
- գ. Արտաշատ քաղաքի ավերումը Կորբուլունի կողմից
- դ. Ներոն կայսեր գահ բարձրանալը
- ե. Վաղարշի և Տրդատի գլխավորած պարթևական զորքի մուտքը Հայաստան և Հռադամիզդի վտարումը
- զ. Տրդատի հեռանալը Հայաստանից Ատրպատական՝ իր եղբոր՝ Բակուրի մոտ

- 1) գ
- 2) դ
- 3) զ
- 4) ա

24 Արցախյան ազատագրական պատերազմի իրադարձությունները դասավորել ժամանակագրական հաջորդականությամբ.

- ա. Պաշտպանության պետական կոմիտեի ստեղծումը ԼՂ-ում՝ Ռ. Քոչարյանի գլխավորությամբ
- բ. Շուշիի ազատագրումը
- գ. Մարտակերտի ազատագրումը
- դ. Լաչինի հաղթական գործողությունները
- ե. Քելբաջարի հյուսիսային մասի և Օմարի լեռնանցքի ազատագրումը

- 1) բ, ա, գ, ե, դ
- 2) գ, դ, բ, ա, ե
- 3) բ, դ, ա, գ, ե
- 4) գ, բ, դ, ա, ե

25 Կատարել համապատասխանեցում.

Հիմնադրման վայր

Կրթական հաստատություն

1. Վենետիկ
2. Զմյուռնիա
3. Կ. Պոլիս
4. Կալկաթա

- ա. Ռափայելյան դպրոց
- բ. Մեսրոպյան դպրոց
- գ. Մարդասիրաց ճեմարան
- դ. Կարապետյան դպրոց
- ե. Սլյուտարի դպրոց

- 1) 1-ա, 2-ե, 3-գ, 4-դ
- 2) 1-գ, 2-ա, 3-բ, 4-դ
- 3) 1-ա, 2-դ, 3-ե, 4-գ
- 4) 1-ա, 2-բ, 3-ե, 4-գ

26 Նստավայրերի անունները համապատասխանեցնել հայ թագավորների կամ իշխանների անուններին.

ա. Գող Վասիլ
բ. Գագիկ II

գ. Փիլարտոս
դ. Օշին

ե. Կոստանդին I

1. Վահկա
2. Մարաշ
3. Պիգու

4. Քեսուն
5. Լամբրոն
6. Անավարզա

- 1) ա-4, բ-3, գ-5, դ-6, ե-1
- 2) ա-3, բ-4, գ-1, դ-5, ե-6
- 3) ա-4, բ-3, գ-2, դ-5, ե-1
- 4) ա-3, բ-4, գ-2, դ-5, ե-6

27 Ընտրել այն շարքը, որը կազմված է միայն ճարտարապետներից.

- 1) Կարո Հալաբյան, Ալեքսանդր Թամանյան, Գևորգ Քոչար, Արմենակ Մնջոյան, Հակոբ Հակոբյան
- 2) Մարկ Գրիգորյան, Կարո Հալաբյան, Գևորգ Քոչար, Նիկողայոս Բունիաթյան, Միքայել Մազմանյան
- 3) Հարություն Կալենց, Ալեքսանդր Թամանյան, Մարկ Գրիգորյան, Հակոբ Հակոբյան, Նիկողայոս Բունիաթյան
- 4) Կարո Հալաբյան, Գևորգ Քոչար, Միքայել Մազմանյան, Հովհաննես Զարդարյան, Ալեքսանդր Թամանյան

28 Ե՞րբ է իսթական թագավորի և Հայասայի Խուկանա արքայի միջև կնքվել բարեկամության և փոխօգնության պայմանագիր.

- 1) Ք. ա. XIV դարում
- 2) Ք. ա. XV դարում
- 3) Ք. ա. XII դարում
- 4) Ք. ա. XIII դարում

29 Ե՞րբ է գահակալել Օշին թագավորը.

- 1) 1307–1321 թթ.
- 2) 1320–1342 թթ.
- 3) 1308–1320 թթ.
- 4) 1308–1322 թթ.

30 Հայոց արևելից կողմերում վերականգնված թագավորությունում ո՞ր տոհմից սերող ներկայացուցիչն էր իշխում.

- 1) Մամիկոնյան
- 2) Հայկազուն–Սիսակյան
- 3) Հասան–Ջալալյան
- 4) Հայկազուն–Երվանդական

31 Որտե՞ղ է հրատարակվել «Հնչակ» թերթը.

- 1) Ժնևում
- 2) Թիֆլիսում
- 3) Փարիզում
- 4) Մարսելում

32 Ո՞ր փաստաթղթից են ստորև բերված տողերը.

Ով «որևէ եղանակով կփորձի պաշտպանել կամ թաքցնել այս կամ այն հային, կճանաչվի հայրենիքի ու կրոնի թշնամի և դրան համապատասխան կպատժվի»:

- 1) Աբդուլ–Համիդ II–ի հրամանից
- 2) Թալեաթի, Ջեմալի և Բ. Շաքիրի հրամանից
- 3) Ջեքի փաշայի հրամանից
- 4) Թալեաթի, Էնվերի և Նազըմի հրամանից

33 Ո՞ր մարմինն է ընդունել ստորև տրված որոշումը.

«Ընդատաջելով ԼՂԻՄ-ի աշխատավորների ցանկություններին՝ խնդրել Ադրբեջանական ԽՍՀ Գերագույն խորհրդին՝ խոր ըմբռնման զգացում դրսևորել Լեռնային Ղարաբաղի հայ բնակչության իդձերին և ԼՂԻՄ-ը Ադրբեջանական ԽՍՀ-ի կազմից Հայկական ԽՍՀ-ի կազմ հանձնելու հարցի դրական լուծմանը»:

- 1) ԼՂԻՄ մարզային խորհուրդը
- 2) Հայաստանի Գերագույն խորհուրդը
- 3) Լեռնային Ղարաբաղի Ազգային խորհուրդը
- 4) Լեռնային Ղարաբաղի Հատուկ կառավարման կոմիտեն

34 Հայոց ո՞ր արքայի մահվանից հետո է Հայաստանում տիրող իրավիճակն այսպես պատկերավոր բնորոշել հռոմեացի պատմիչը.

«Հայերը մնացին առանց թագավորի, անտերունչ»:

- 1) Տիգրան III-ի
- 2) Արտաշես II-ի
- 3) Տիգրան IV-ի
- 4) Արտավազդ II-ի

35 Ի՞նչ գործառույթներ էին վերապահված ասպետություն գործակալության ղեկավարին.

- 1) թագավորական գանձարանի հսկողությունը
- 2) թագավորական պահակազորի հրամանատարությունը
- 3) օտար երկրների դեսպանների ընդունելության կազմակերպումը
- 4) պալատական արարողությունների կազմակերպումը
- 5) թագավորական կալվածքների հսկողությունը

36 Ընտրել այն մարմինները, որ նախատեսվում էր ստեղծել արևմտահայերի «Ազգային սահմանադրությամբ».

- 1) Ազգային բյուրո
- 2) Հատուկ կոմիտե
- 3) Ազգային կենտրոնական վարչություն
- 4) Կենտրոնական կոմիտե
- 5) Երեսփոխանական ժողով

37

Թվարկվածներից որո՞նք են ճիշտ արտահայտում պատմական իրադարձությունների պատճառահետևանքային կապերը.

- 1) 1918 թ. Կ. Պոլսում կոնֆերանս հրավիրելու համար Գերմանիայի շահագրգիռ լինելու իրական պատճառը Բաթումի պայմանագիրը վերանայելու ձգտումն էր:
- 2) Մայիսյան ապստամբության հետևանքը Հայաստանում խորհրդային իշխանության հաստատումն էր:
- 3) «Արևելյան լեգեոնի» ստեղծման նպատակը ռուսական զորքերի կազմում թուրքերի դեմ պատերազմում հայ կամավորների մասնակցության ապահովումն էր:
- 4) Փետրվարյան ապստամբության հետևանքը հայկական բանակի արքայազն սպաներին ազատ արձակելու և հանրապետություն վերադարձնելու գործընթացի ծավալումն էր:
- 5) Ռազմական կոմունիզմի շնորհիվ բարելավվեց Խորհրդային Հայաստանի սոցիալ-քաղաքական վիճակը:

38

Գտնել ճիշտ պատասխանները.

Վաղարշ II-ի և Մեսրոպի Մեծի միջև կնքված պայմանագրի արդյունքում՝

- 1) Հայաստանը դարձավ «Հռոմեական ժողովրդի դաշնակից և բարեկամ»
- 2) հռոմեական լեգեոնները դուրս բերվեցին Հայաստանից
- 3) Հռոմը օժանդակեց Հայաստանին հոների դեմ պայքարում
- 4) կայսրը ճանաչեց Վաղարշի իրավունքները Հյուսիսային Միջագետքի վրա
- 5) հռոմեական կայսրը պարտավորվեց գումար վճարել հայոց այրուձիին, որը հյուսիսում իրականացնում էր Կովկասյան լեռնանցքների և մերձակա տարածքների պաշտպանությունը լեռնային ցեղերի հարձակումներից

39

Ո՞ր պնդումներն են արտացոլում «Նոր տետրակ»-ի բովանդակությունը.

- 1) Զգուշացնում էր հայ երիտասարդներին հեռու մնալ ապստամբելու գաղափարից:
- 2) Առաջարկվում էր ստեղծել սահմանադրություն և երկիրը կառավարել ժողովրդի ընտրովի ներկայացուցիչների միջոցով:
- 3) Առաջարկվում էր Արցախի մելիքներից մեկին դարձնել Հայաստանի թագավոր:
- 4) Առաջարկվում էր վերականգնել հայոց թագավորությունը և երկիրը կառավարել բացարձակ միապետի միջոցով:
- 5) Կոչ էր արվում հայ երիտասարդներին դուրս գալու օտար բռնակալների դեմ և զենքի ուժով հասնելու ազատության:

40 **Տրված պնդումներից որո՞նք են սխալ.**

- 1) Արևի պաշտամունքի գլխավոր կենտրոնը եղել է Բարձր Հայք նահանգի Դերջան գավառի Բագառիճ ավանում:
- 2) Աստվածային գերագույն եռյակի պաշտամունքը բնիկ ուրարտական երևույթ է:
- 3) Արամեական այբուբենը կազմված էր 22 տառից, գրվել է աջից ձախ:
- 4) Հելլենիստական մշակույթը և հունարենը Հայաստանում տարածում գտան գերազանցապես արքունիքում և ավագանու շրջանում:
- 5) Զրադաշտականությունը դուալիստական կրոն էր, այսինքն՝ դրա հետևորդները հավատում էին, որ կան երկու գերագույն աստվածներ՝ չար և բարի:
- 6) Հայոց դիցարանը, ի տարբերություն հունական դիցարանի, բաղկացած չէր ազգակից աստվածներից:

41 **Իրադարձություններից ո՞րն է խախտում տրված շարքի ժամանակագրական հաջորդականությունը.**

- 1) Պերոզի գահակալության սկիզբը
- 2) Գյուտ կաթողիկոսի գահակալության սկիզբը
- 3) Վարդան Մամիկոնյանի դուստր Շուշանիկի նահատակվելը
- 4) Վախթանգ Գորգասալի գահակալության սկիզբը
- 5) պարսից դրածո Վազգեն բդեշխի սպանությունը
- 6) մարզպան Ատրվշնասայի սպանվելը

42 **Իրադարձությունները դասավորել ժամանակագրական հաջորդականությամբ.**

- 1) հայ-թաթարական (ադրբեջանական) ընդհարումների սկիզբը
- 2) Թորգոմի «Մրրիկ» խմբի հասնելը Մասուն
- 3) Մկրտիչ Խրիմյանի նախաձեռնությամբ Ռուսաստանում ապրող հայերի պատգամավորական Կենտրոնական ժողովի հրավիրումը
- 4) Դժոխք Հրայրի զոհվելը
- 5) Գելիեգուզան գյուղում ինքնապաշտպանության ղեկավար մարմնի ստեղծումը

--	--	--	--	--

43 Հեղինակի անունը համապատասխանեցնել իր աշխատությանը.

Ա. «Մեծ մարդկանց մասին»

Բ. «Ժամանակագրություն»

Գ. «Պատմություն»

Դ. «Անաբասիս»

Ե. «Բաքոսուհիներ»

- 1) Սերենու
- 2) Ամֆիկրատես Աթենացի
- 3) Քսենոփոն
- 4) Մեթրոդորոս Սկեփսացի
- 5) Էվրիպիդես
- 6) Հիպպոլիտիս

Ա	Բ	Գ	Դ	Ե

44 Կատարել համապատասխանեցում.

Ա. Հայկական համաշխարհային կոնգրեսի բացումը Նյու Յորքում

Բ. սփյուռքահայերի ներգաղթը դադարեցնելու մասին ԽՍՀՄ կառավարության որոշման ընդունումը

Գ. «Տրանսիլվանիա» շոգենավով հայ առաջին հայրենադարձների խմբի ժամանումը Բաթում

Դ. ՀԽՍՀ նախարարների խորհրդին առընթեր ներգաղթի կոմիտեի գործունեության դադարեցումը

Ե. ՄԱԿ-ի ամբիոնից Կիպրոսի արտաքին գործերի նախարարի՝ Հայկական հարցը քննարկելու մասին արված կոչը

- 1) 1946 թ. հունիս
- 2) 1949 թ. օգոստոս
- 3) 1970 թ. հոկտեմբեր
- 4) 1947 թ. ապրիլ
- 5) 1965 թ. հոկտեմբեր
- 6) 1948 թ. սեպտեմբեր

Ա	Բ	Գ	Դ	Ե

45 Ստորև տրված պնդումներից յուրաքանչյուրի համար ընտրել՝ «Ճիշտ է», «Միսալ է», «Չզիտեմ» պատասխաններից որևէ մեկը.

- 1) ՀՀ վարչատարածքային փոփոխություններով նախկին շրջանների միավորման միջոցով ստեղծվել են 9 մարզեր:
- 2) Հայաստանի երրորդ հանրապետությունում բազմակուսակցական համակարգը ներդրվել է անկախության հանրաքվեից հետո:
- 3) ԼՂՀ Գերագույն խորհրդի նստաշրջանը 1992 թ. հունվարի 8-ին Գերագույն խորհրդի նախագահ է ընտրել Արթուր Մկրտչյանին:
- 4) Կուսակցությունների վերաբերյալ օրենքը խախտելու ամբաստանությամբ 1995 թ. դեկտեմբերի վերջին կասեցվել է դաշնակցության գործունեությունը:
- 5) ՀՀ սահմանադրական առաջին փոփոխություններով վերանայվել է ՀՀ Ազգային ժողովի գերիշխող դիրքը իշխանության ճյուղերի համակարգում:
- 6) Հայաստանի առաջին բազմակուսակցական Գերագույն խորհրդում ամենամեծ խմբակցությունն ուներ Հայոց համագրային շարժումը:

46 Գտնել տերմինների կամ հասկացությունների սխալ բացատրությունները.

- ա. Կիլիկյան Հայաստանի բանակում հատուկ տեղ զբաղեցնող հոգևոր–ասպետական կազմակերպություններից մեկը հայտնի էր «Հիվանդախնամների միաբանություն» անունով:
- բ. Հայաստանի հարավում՝ Խլաթ կենտրոնով ստեղծված մահմեդական իշխանությունը կոչվում էր Շահ–Արմենների աթաբեկություն:
- գ. Պատերազմների ժամանակ գյուղացիներից և քաղաքացիներից հավաքագրվող զինուժը կոչվում էր աշխարհագոր:
- դ. Քաղաքներում հարկահանությանը, առևտրին ու արհեստներին, շուկաներին հետևող պաշտոնյան կոչվում էր սպասալար:
- ե. Կիլիկյան Հայաստանի արքունի քարտուղարության գործակալության գլխավոր պաշտոնյային կոչում էին կանցլեր:
- զ. Սեփական կալվածքները կամովին եկեղեցուն հանձնած և հոգևոր կոչում ընդունած հայ կալվածատերերին անվանել են պարոնտեր:
- է. Արևմտյան Հայաստանում ստեղծված կիսանկախ իշխանությունները կոչվում էին մելիքություններ:
- ը. Միջնադարում քաղաքի կառավարիչը կոչվում էր շահապ:

- 1) բ, գ, է
- 2) ա, դ, է
- 3) բ, դ, է
- 4) ա, գ, ը

47

Հասկացությունները համապատասխանեցնել բացատրություններին.

1. ջիհադ
2. գյավուր
3. հայդուկ
4. ֆիդայի

ա. սրբազան պատերազմ
բ. զոհ
գ. չեչը
դ. անհավատ
ե. հետևակ

- 1) 1-դ, 2-ա, 3-ե, 4-բ
- 2) 1-ա, 2-դ, 3-ե, 4-բ
- 3) 1-ե, 2-ա, 3-գ, 4-բ
- 4) 1-ա, 2-բ, 3-գ, 4-ե

48

Տրվածներից որո՞նք Խորհրդային Հայաստանի արդյունաբերացման հետևանքներ չեն.

ա. Հայաստանն աստիճանաբար ագրարային երկրից վերածվեց արդյունաբերական հանրապետության:
բ. Կրճատվեց խորհրդահայ մտավորականության և ճարտարագիտատեխնիկական անձնակազմի քանակը:
գ. Բանվոր դասակարգի քանակը մի քանի անգամ աճեց:
դ. Այն առաջացրեց բնապահպանական խնդիրներ:
ե. Հրազդան գետի վրա հիդրոէլեկտրակայանների կառուցումը հանգեցրեց Սևանա լճի մակարդակի իջեցմանը:
զ. Ստեղծվեցին մի շարք կոմունաներ, արտելներ, սովխոզներ:
է. Հայաստանի խոշոր եղջերավոր անասունների գլխաքանակը կրճատվեց 30 %-ով:

- 1) դ, է, գ
- 2) բ, գ, է
- 3) ա, դ, է
- 4) բ, գ, է

49 Ստորև թվարկված պատմական իրադարձությունների պատճառներից և հետևանքներից որո՞նք են ճիշտ.

- ա. Սարգսի II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանը կրկին հասավ Պարսից ծոց:
- բ. Մենուայի հաղթարշավների շնորհիվ Հայկական լեռնաշխարհի հիմնական մասը միավորվեց մեկ պետության մեջ:
- գ. Մենուայի հաղթարշավների հետևանքով Ասորեստանը թուլացավ և, չկարողանալով այլևս վերականգնել իր դիրքերն Առաջավոր Ասիայում, շուտով նվաճվեց Բաբելոնի կողմից:
- դ. Սարգսի II-ի կողմից կախյալ թագավորությունները վերացնելու և պետության վարչական միավորներ դարձնելու հետևանքով Վանի թագավորությունը սկսեց անցում կատարել համադաշնային կառավարման համակարգից կենտրոնացված պետության:
- ե. Ռուսա II-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանները կրկին հասան Միջերկրական ծովի արևելյան ավազանին:
- զ. Մենուայի հաղթարշավների շնորհիվ Հայկական լեռնաշխարհի հյուսիսային շրջանները թեև մտան Վանի տերության կազմը, սակայն հարկատու չդարձան:
- է. Սարգսի II-ի կողմից կախյալ թագավորությունները վերացնելու և պետության վարչական միավորներ դարձնելու արդյունքում կառավարման ոլորտում անցում կատարվեց դաշնային կառավարման:

- 1) ա, բ, դ
- 2) գ, ե, զ
- 3) ա, դ, է
- 4) բ, գ, է

50

Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել յոթերորդը.

- ա. Համիդիե հեծելագնդերի ստեղծումը
- բ. Մայիսյան բարենորոգումների ծրագրի հանձնումը սուլթանին
- գ. Խանասորի արշավանքը
- դ. Գում Գափուի խաղաղ ցույցը
- ե. Շենիկի գյուղապետ Գրգոյի (Գրիգոր Մոսեյան) տանը ինքնապաշտպանական ժողովի հրավիրումը
- զ. Աղասու նախագահությամբ Զեյթունի ժամանակավոր կառավարության կազմվելը
- է. Սարգիս Կուկունյանի արշավանքը
- ը. Գևորգ Զավուշի ու Անդրանիկի վրեժխնդիր լինելը Բշարե Խալիլից
- թ. Մարաշի փաշայի կողմից Պապիկ Նորաշխարհյան իշխանին Զեյթունի քաղաքագլուխ ճանաչելը
- ժ. Բաբը Ալիի ցույցը

- 1) ե
- 2) ժ
- 3) բ
- 4) գ

51

Տրված իրադարձություններից ո՞րն է տեղի ունեցել վեցերորդը՝ ըստ ժամանակագրական հաջորդականության.

- ա. Արեգ-Միհրի տաճարի կառուցումը Գառնիում
- բ. Երվանդաշատ մայրաքաղաքի հիմնադրումը
- գ. Արևելյան Հայաստանում արքունի գրագրության մեջ պահլավերենի գործածության սկիզբը
- դ. Անտիոքոս I-ի թագադրումը «Տիգրանյան» կամ «Հայկական» թագով
- ե. Արշակ I-ի գահակալության սկիզբը
- զ. Բագարանի դառնալը Հայոց թագավորության հոգևոր կենտրոն
- է. «Բաքոսուհիներ» ողբերգության բեմադրությունը Արտաշատում պարթև արքա Օրոդես II-ի ներկայությամբ
- ը. Տիգրան Մեծի թագադրությունը

- 1) դ
- 2) ա
- 3) ե
- 4) է

52

Տրված իրադարձություններից ո՞րն է տեղի ունեցել հինգերորդը՝ ըստ ժամանակագրական հաջորդականության.

- ա. Արծն քաղաքի ավերումը թյուրք-սելջուկների կողմից
- բ. Անիի Բագրատունյաց թագավորության անկումը
- գ. Ռուբեն I-ի կառավարման սկիզբը
- դ. Տաշիր-Չորագետի թագավորության անկումը
- ե. Տուրիլի գորքերի արշավանքը Հայաստան
- զ. Հովհաննես-Սմբատի մահը
- է. Ալվի Արսլանի գորքերի ներխուժումը Հայաստան
- ը. Տայքի միացումը Բյուզանդիային
- թ. սելջուկյան պետության իշխանության հաստատումը Փոքր Ասիայում
- ժ. Բասենի ճակատամարտը թյուրք-սելջուկների դեմ և բյուզանդական ու հայ-վրացական զորքի պարտությունը

- 1) թ
- 2) է
- 3) ա
- 4) ժ

53

Կատարել համապատասխանեցում.

Հեղինակ

- | | |
|---------------------|----------------------|
| 1. Արամ Խաչատրյան | 4. Արտաշես Հովսեփյան |
| 2. Սարգիս Մուրադյան | 5. Նաիրի Զարյան |
| 3. Համո Բեկնազարյան | 6. Մինաս Ավետիսյան |

Ստեղծագործություն

- ա. «Անլռելի զանգակատուն» պոեմի պատկերագրում
- բ. «Ալեքսանդր Թամանյան» արձան
- գ. «Սպարտակ» բալետ
- դ. «Ծնողներս» կտավ
- ե. «Պեպո» կինոնկար
- զ. «Կոմիտասի վերջին գիշերը» նկարաշար
- է. «Արա Գեղեցիկ» ողբերգություն

- 1) 1-է, 2-զ, 3-բ, 4-ե, 5-ա, 6-դ
- 2) 1-զ, 2-ե, 3-դ, 4-բ, 5-զ, 6-ա
- 3) 1-զ, 2-է, 3-դ, 4-ե, 5-զ, 6-ա
- 4) 1-զ, 2-զ, 3-ե, 4-բ, 5-է, 6-դ

54

Թվարկվածներից որո՞նք են տեղ գտել Մովսես Սարաֆյանի կողմից ներկայացված Հայաստանի ազատագրության ծրագրում.

- ա. Հերակլ II–ը պետք է օժանդակեր ռուսական զորքին՝ գրավելու Երևանի խանությունը՝ զինվորներ ուղարկելով և գահընկեց անելով իրենից կախման մեջ գտնվող Երևանի խանին:
- բ. Հերակլ II–ը պետք է Վրաստանում կատարեր երկիրը հզորացնող բարեփոխումներ, որպեսզի օգնություն ցուցաբերեր հայ ժողովրդի ազատագրական պայքարին:
- գ. Ռուսաստանում բնակվող հայերից ու վրացիներից կազմված կամավորական ջոկատները, որոնց հրամանատարը պետք է լիներ հայազգի և ենթարկվեր ռուսական բանակի հրամանատարությանը, ռուսական զորքերի հետ ուղարկվելու էին Վրաստան:
- դ. Հակաթուրքական պայքարի մեջ պետք է ընդգրկվեին Արցախի մելիքները՝ նրանց տրամադրելով զենք և ռազմական հանդերձանք:
- ե. Ազատագրված Հայաստանը պետք է հռչակվեր հանրապետություն՝ պառլամենտական կառուցվածքով:
- զ. Թուրքիայի դեմ արշավանքը պետք է կատարվեր երկու ուղղություններով:
- է. Հայաստանի թագավոր պետք է հռչակվեր Ղարաղաղի մելիքներից մեկը:

- 1) ա, գ, է
- 2) բ, դ, է
- 3) ա, գ, դ
- 4) բ, գ, է

55

Առանձնացնել այն երեք պայմանները, որոնք տեղ են գտել Տիգրան Մեծի և Գողերձ II–ի միջև կնքված հայ–պարթևական հաշտության պայմանագրում.

- ա. Օսրոյենեն, Ադիաբենեն և Միգդոնիան հետ ստանալու դիմաց Պարթևստանը ճանաչում էր Տիգրան Մեծի գերիշխանությունը:
- բ. Հօգուտ Հռոմի՝ Հայաստանը հրաժարվում էր Մարաստանից և Ատրպատականից:
- գ. Պարթևստանը վերադարձնում էր Հայաստանից խլած Յոթանասուն հովիտները:
- դ. Պարթևների արքան կորցնում էր «արքայից արքա» տիտղոսը, որն այնուհետև կրելու էին Տիգրանն ու իր հաջորդները:
- ե. Հռոմի դեմ Պարթևստանի պատերազմելու դեպքում Տիգրան Մեծը խոստանում էր օգնական ուժեր տրամադրել Գողերձ II–ին:
- զ. Հօգուտ Հայաստանի՝ պարթևները հրաժարվում էին Հյուսիսային Միջագետքից և Մարաստանից:
- է. Կողմերը միացյալ ուժերով հարձակվելու էին Ատրպատականի վրա, որի տարածքը ստանալու էր Հայաստանը, իսկ շարժական գույքն ու բնակչությունը՝ Պարթևստանը:

- 1) գ, դ, գ
- 2) բ, է, է
- 3) գ, դ, է
- 4) ա, է, գ

56

Թվարկված եկեղեցիներից որո՞նք են կառուցվել VII դարում.

- ա. Մրենի
- բ. Գայանե
- գ. Զվարթնոց
- դ. Ս. Էջմիածին
- ե. Ավանի
- զ. Ծիծեռնավանքի
- է. Արուճի Ս. Գրիգոր

- 1) բ, դ, է, զ
- 2) ա, բ, գ, է
- 3) գ, դ, է
- 4) ա, գ, է

57

Կատարել համապատասխանեցում.

Ո՞ր վայրերից են սկզբնավորվում Հայկական լեռնաշխարհի նշանավոր գետերը.

- | | |
|--------------------|------------------------|
| 1. Ճորոխ | ա. Սրմանց լեռներից |
| 2. Արևելյան Եփրատ | բ. Ծովք լճից |
| 3. Արևելյան Տիգրիս | գ. Ծաղկավետ լեռներից |
| 4. Արևմտյան Եփրատ | դ. Հայկական Տավրոսից |
| 5. Արևմտյան Տիգրիս | ե. Խաչափայտի լեռներից |
| 6. Արաքս | զ. Ծաղկանց լեռներից |
| | է. Բյուրականի լեռներից |

- 1) 1-է, 2-գ, 3-դ, 4-զ, 5-բ, 6-ա
- 2) 1-է, 2-գ, 3-դ, 4-զ, 5-բ, 6-է
- 3) 1-է, 2-գ, 3-բ, 4-զ, 5-դ, 6-է
- 4) 1-է, 2-գ, 3-բ, 4-զ, 5-դ, 6-ա

58

Ընտրել ԽՍՀՄ-ում 1930-ական թթ. կեսերին հաստատված ամբողջատիրական համակարգի բնորոշ գծերը.

- 1) իշխանության բռնագավթումը ՀամԿ(բ)Կ կողմից
- 2) գաղափարախոսական բազմակարծության թույլատրումը
- 3) եկեղեցու նկատմամբ անհանդուրժողական քաղաքականությունը
- 4) ընդդիմության առկայությունը խորհրդարանում
- 5) երկկուսակցական համակարգի հաստատումը
- 6) իշխանության երեք ճյուղերի իրական տարանջատումը
- 7) միակուսակցական համակարգի հաստատումը
- 8) իշխող կուսակցության ներսում ընդդիմության վերացումը

59 **Գտնել սխալ պատասխանները:**
Օտարների կողմից Հայաստանն անվանվել է՝

- 1) Սումխեթի
- 2) Հայաստան
- 3) Հարմինույա
- 4) Բիայնիլի
- 5) Արմինա
- 6) Հայք
- 7) Ուրարտու

60 **Թվարկվածներից որո՞նք են պատմական իրադարձությունների իրական պատճառահետևանքային կապեր.**

- 1) Մծբինի հաշտության հետևանքը Հյուսիսային Միջագետքում Պարթևների դիրքերի թուլացումն էր:
- 2) Հովհաննես Բ Գաբեղենացի կաթողիկոսի՝ Տիգրան մեկնելու պատճառը Խոսրով II-ի գումարած ժողովին մասնակցելն էր:
- 3) Ժառանգական նախարարական խոշոր հողատիրության աճի հետևանքով թագավորական հողատիրությունը կրճատվում և ամփոփվում էր Միջնաշխարհում գտնվող ոստանում:
- 4) Թեոդորոս Ռշտունուն ազատ արձակելու պատճառը Հայաստանը Բյուզանդական կայսրության ոլորտում պահելն էր:
- 5) IX դարի վերջին Խլաթի ամիրայի՝ Հայաստան ներխուժելու պատճառը հայ-բյուզանդական 893 թ. կնքված պայմանագիրն էր:
- 6) Խաղխաղի ճակատամարտի հետևանքը պարսից զորավար Միհրանի քսանհազարանոց զորքի պարտությունն էր:
- 7) Անիի Բագրատունիներին ենթակա թագավորությունների առաջացման պատճառներից էին ավատատիրական մասնատվածությունը և իշխանների կենտրոնախույս ձգտումները:
- 8) Ջաբելի և Հեթումի ամուսնությամբ վերջապես լուծվեց Կիլիկյան Հայաստանի գահակալության խնդիրը, և հիմք դրվեց Հեթումյանների արքայատոհմին:
- 9) Հայ-վրացական զինակցության արդյունքում սելջուկների լծից ազատվեցին Հայաստանի կենտրոնական ու հարավային շրջանները:

61

Ընտրել սխալ պատասխանները.

Արևմտահայերի առաջին համագումարի գործունեության արդյունքում՝

- 1) Ընդունվեց որոշում Ռուսաստանում եղած արևմտահայ ռազմագերիներին ազատ արձակելու մասին:
- 2) Ընդունվեց որոշում հայկական մարզերի տնտեսության վերականգնման վերաբերյալ:
- 3) Ընդունվեց որոշում օրենսդիր մարմին՝ Ազգային ժողով ստեղծելու մասին:
- 4) Ընդունվեց որոշում արևմտահայ զորաբաժին ստեղծելու մասին:
- 5) Ընդունվեց որոշում փախստականներին օգնելու մասին:
- 6) Ընդունվեց որոշում հայրենիքում արևմտահայերի վերաբնակեցման վերաբերյալ:
- 7) Ընդունվեց որոշում Հայաստանում ազգային վարչություն կազմակերպելու մասին:
- 8) Ընդունվեց որոշում Այսրկովկասում ինքնակառավարման մարմինների հաստատման մասին:

62

Ստորև տրված պնդումներից որո՞նք են ճիշտ.

- 1) Նեյիին անցնելու առաջին միջոցառումներն իրականացվել են արդյունաբերության ոլորտում:
- 2) Լենինգրադի կուսմարզկոմի առաջին քարտուղար Ս. Կիրովի սպանությունը Ստալինն օգտագործեց իր նախկին զինակիցներից ազատվելու համար:
- 3) Գյուղատնտեսության կոլեկտիվացումը պլանավորված էր սկզբում ավարտել ԽՍՀՄ-ի անասնապահական շրջաններում:
- 4) 1926 թ. Գևորգ Ե կաթողիկոսը կոնդակով դիմեց բոլոր միաբաններին՝ դատապարտելով «Քրիստոնեական եկեղեցական եղբայրության» կամ «Նորացված եկեղեցի» կազմակերպության պառակտիչ գործունեությունը:
- 5) Գյուղացիական տնտեսությունները հարկադրաբար կոլեկտիվացնելու միջոց էր նրանց նկատմամբ պետության կողմից հարկերի ավելացման քաղաքականությունը:
- 6) 1920-ական թթ. միջկուսակցական և ներկուսակցական պայքարն ավարտվել է ստալինյան դեկավարության բացարձակ իշխանության հաստատմամբ:
- 7) Գևորգ Ե կաթողիկոսը միաբաններին ուղղված կոնդակով դատապարտել է Էջմիածինը «քանդող» խորհրդային իշխանության քաղաքականությունը:
- 8) Համատարած կոլեկտիվացման տարիներին գյուղ էին մեկնել բանվորական խմբեր, որոնք լուծարեցին հարկադրաբար ստեղծված կոլտնտեսությունների մի մասը:

Ստորև բերված պնդումներից որո՞նք են սխալ.

- 1) Բագրատունյաց Հայաստանում պետության գլուխ կանգնած էր թագավորը:
- 2) Բագրատունի թագավորների գահը ժառանգում էր ավագ որդին, հաճախ նաև եղբայրը:
- 3) Երկրի ներքին և արտաքին բոլոր հիմնական հարցերը վճռում էր իշխանաց իշխանը:
- 4) Փոքր գործերի դատավարությունը կատարվում էր եկեղեցական ժողովների մշակած կանոններով ու սովորությանին իրավունքով:
- 5) Բագրատունյաց մշտական բանակը պատերազմի ժամանակ համալրվում էր, և թվակազմը հասնում էր մինչև 70 հազարի:
- 6) Բագրատունյաց թագավորն ինքնակալ միապետ էր և անձամբ էր լուծում պետության գործերը:
- 7) Բագրատունյաց բանակը կազմված էր արքունական և սակրավորների գնդերից:
- 8) Թագավորը կարող էր խորհրդակցել սպարապետի, կաթողիկոսի, իշխանաց իշխանի կամ այլ մեծամեծ պաշտոնյաների հետ:

Ստորև բերված փաստարկներից որո՞նք են ճիշտ.

- 1) 1918 թ. մայիսի 16-27-ը Շիրակում՝ Սոցյուլուի (Սառնաղբյուր) ճակատում, հայկական ուժերը հաղթական կռիվներ են մղել թուրքերի դեմ:
- 2) Հայոց ազգային համախորհրդակցությունը գումարվել է Երևանում 1917 թ. սեպտեմբերի 29-ից մինչև հոկտեմբերի 13-ը:
- 3) 1914 թ. ապրիլին Վեստենենկը նշանակվել է Էրզրումի, Տրապիզոնի և Սեբաստիայի նահանգներն ընդգրկող մասի տեսուչ (նստավայրը՝ Տրապիզոն), իսկ Հոֆը՝ Վանի, Բիթլիսի, Խարբերդի և Դիարբեքիի նահանգներն ընդգրկող մասի տեսուչ (նստավայրը՝ Բիթլիս):
- 4) 1914 թ. աշնան վերջին ռուս-թուրքական պատերազմի ճակատային գիծը Բաթումի մոտից հասնում էր մինչև Ուրմիա լճից արևելք ընկած վայրերը կազմելով 720 կմ:
- 5) 1915 թ. փետրվարի 25-ի հրամանով օսմանյան բանակում ծառայող հայերին արգելվել է նշանակել հրամանատարական պաշտոններում, ծառայել ռուս-թուրքական ճակատային գծում:
- 6) Վանի նահանգապետ Ջևդեթ փաշան 1915 թ. փետրվարին սպանել է տվել Իշխանին և Վռամյանին:
- 7) 1915 թ. հունվարի 5-ին երիտթուրքական կառավարությունը օրենքով արգելել է կայսրության քաղաքացիների մուտքն ու ելքը տերությունից:
- 8) 1916 թ. մայիսի 15-ին Դիլմանի ճակատամարտում հերոսի մահով զոհվել է 4-րդ ջոկատի հրամանատար, նշանավոր հայդուկ Քեռին:

65 Ո՞ր իրադարձություններն են խախտում տրված շարքի ժամանակագրական հաջորդականությունը.

- 1) Պապի վերադարձը Հայաստան՝ Տերենտիոսի գլխավորած գորաջոկատով
- 2) Մուշեղ Մամիկոնյանի դառնալը հայոց սպարապետ
- 3) Պապի հրամանով հայոց զորքերի հավաքվելը Ձիրավի դաշտում
- 4) Ձիրավի ճակատամարտի սկիզբը
- 5) Մուշեղ Մամիկոնյանի ամբաստանվելը Պապի առջև
- 6) Մերուժան Արծրունու ձերբակալությունը և մահապատիժը
- 7) Շապուհ II-ի զորքերի ջախջախումը Գանձակի մոտ և խաղաղության վերականգնումը Հայաստանում
- 8) Ատրպատականում Շապուհ II-ի գանձարանին և կանանոցին տիրանալը հայերի կողմից
- 9) Պապ թագավորի փախուստը ծուղակից և վերադառնալը Տարսնից Հայաստան

66 Իրադարձությունները դասավորել ժամանակագրական հաջորդականությամբ.

- 1) Հայրենական մեծ պատերազմի ավարտը
- 2) Լ. Բերիայի ձերբակալումը
- 3) խորհրդա-գերմանական չհարձակման պայմանագրի ստորագրումը
- 4) Մուրեն Թովմայանի ընտրվելը ՀԿԿ կենտկոմի առաջին քարտուղար
- 5) Մեծ տերությունների ղեկավարների Պոտսդամի կոնֆերանսը
- 6) Նվեր Սաֆարյանի նշանակվելը Հայկական 89-րդ հրաձգային դիվիզիայի հրամանատար
- 7) Երկրորդ աշխարհահամարտի ավարտը

--	--	--	--	--	--	--	--

67 Իրադարձությունները դասավորել ժամանակագրական հաջորդականությամբ.

- 1) Արամի նշանակվելը Վանի նահանգապետ
- 2) Համազասպի ջոկատի կողմից Խիզանի գրավումը
- 3) անգլո-ֆրանսիական ռազմական ուժերի իրականացրած Դարդանելի գործողության ավարտը
- 4) հայկական կամավորական առաջին չորս ջոկատների ձևավորման ավարտը
- 5) Դրոյի ջոկատի կողմից Խնուսի գրավումը
- 6) հայկական ջարդերի կապակցությամբ Մեծ Բրիտանիայի, Ռուսաստանի և Ֆրանսիայի հանդես գալը բողոքի հայտարարությամբ
- 7) Սարիղամիշի ճակատամարտի ավարտը՝ թուրքական բանակի ջախջախվելը

--	--	--	--	--	--	--	--

68

Գործիչների անունները, ըստ նրանց պատկանելության, համապատասխանեցնել կազմակերպությունների անվանումներին.

- Ա. Արմենական կուսակցություն
- Բ. «Հայ հեղափոխականների դաշնակցություն» կուսակցություն
- Գ. «Պաշտպան հայրենյաց»
- Դ. «Բարենպատակ ընկերություն»
- Ե. Հնչակյան կուսակցություն
- Զ. Կադետների կուսակցություն
- Է. «Միություն ի փրկություն»

Ա	Բ	Գ	Դ	Ե	Զ	Է

- 1) Միքայել Պապաջանյան
- 2) Գրիգոր Արծրունի
- 3) Արփիար Արփիարյան
- 4) Կարապետ Նշկյան
- 5) Խաչատուր Մալումյան
- 6) Պետրոս Հայկազունի
- 7) Մկրտիչ Ավետիսյան
- 8) Հակոբ Կալոյան

69

Կատարել համապատասխանեցում.

- Ա. Գառնիում փոքր զորաջոկատով Բեշիրի զորքերին պարտության մատնած իշխանը
- Բ. Անիի Կաթողիկե եկեղեցու ճարտարապետը
- Գ. անհնազանդության պատճառով իր հողերից զրկված և «Անհողին» մականունը ստացած Տաշիր-Չորագետի արքան
- Դ. Մասուն-Խույթ գավառում VIII դ. կեսի ապստամբության ղեկավարը
- Ե. Կարսի մատույցներում սելջուկների առաջնորդ Տուղրիլի մերձավորին վիրավորած հայ հերոսը
- Զ. Բագրատունիների արքունիքը Կարս տեղափոխած արքան

- 1) Դավիթ
- 2) Աբաս
- 3) Հովհան
- 4) Գագիկ
- 5) Գևորգ
- 6) Թաթուլ
- 7) Տրդատ

Ա	Բ	Գ	Դ	Ե	Զ	Է

Ստորև տրված պնդումներից յուրաքանչյուրի համար ընտրել՝ «Ճիշտ է», «Միայն է», «Չգիտեմ» պատասխաններից որևէ մեկը.

- 1) Հայոց մեծ թվականի սկիզբ է համարվել 1084 թվականը:
- 2) Վաղ միջնադարում ծառայող ազնվականության մասնավոր տնտեսությունների ընդլայնումն ի հաշիվ գյուղական համայնքների գնալով խորանում էր՝ սկիզբ դնելով պետական հողատիրության մասնատմանը մասնավոր սեփականատիրական կալվածքների՝ ավատների:
- 3) Սյունի, Կաղմեա և Գուգարաց նախարարները համարվում էին բյուրավորներ:
- 4) Հայ առաքելական եկեղեցու առաջնորդական աթոռները, մինչև Գրիգոր Լուսավորչի կողմից Հայոց եկեղեցու նվիրապետության հաստատումը, Արտագում, Եղեսիայում և Սյունիքում էին:
- 5) Համահայկական առաջին թագավորության հզոր և կատարյալ մշակույթն իր բազմաբնույթ ազդեցությունն է տարածել Հայաստանից դուրս՝ հասնելով Կովկաս, Իրան, Հունաստան և այլուր:
- 6) Մեծ Հայքի Արշակունիների թագավորության անկումը համապատասխանում է բուն հելլենիզմի ավարտի ժամանակաշրջանին: